

**Landesbibliothek Oldenburg**

**Digitalisierung von Drucken**

**Bibliotheca Smithiana, Seu Catalogus Librorum D. Josephi  
Smithii Angli Per Cognomina Authorum Dispositus**

**Pasquali, Giovanni Battista**

**Venetiis, 1755**

Opus Nosce Te.

**urn:nbn:de:gbv:45:1-844**

## O P U S N O S C E T E .

Venetiis per Nicolaum Jensonium MCCCCLXXX.

**E**go Philippus Rotā [1] juris utriusque Doctor, licet omnium minimus, hoc ipsum opusculum Nosce te instructius perlegi, ac diligentius perscrutatus sum. Et quoniam ipsum non modo sancte catholiceque compositum reperi, verum etiam mira utilitate refertissimum, in hujusce rei testimonium me subscribere non dubitavi.

Ego [2] Joannes Gasmaci decretorum doctor archipresbyter Montis silicis, ac plebanus Sanctæ Mariæ Novæ de Venetiis, suprascriptum opus, videlicet Nosce te, mira industria ac omnium optima utilitate compositum vidi & totum perlegi, nihil in eo nisi quod orthodoxum sit inveniens, & cuilibet spirituali intellectui conveniens. Ideoque in ejus testimonium me propria manu subscripsi.

Nos Petrus [3] Frigerius artium & theologiæ Doctor, Archiepiscopus Corphiensis, dicimus, hoc opusculum intitulatum Nosce te, catholice & sancte compositum esse, quod quidem legimus & vidimus.

Nos Mapheus Girardo [4] miseratione divina Patriarcha Venetiarum, Dalmatiæque Primas, ex inspectione suprascriptorum dominorum, qui fidem faciunt de suprascripto opere, & ex tali sua conclusione & fide conjuncti, idem testificamur esse opus orthodoxum & devotum.

Gabriel [5] Brunus Venetus Ordinis Minorum Theologorum minimus, atque almi Venetiarum Conventus Guardianus indignus religioso viro domino Ioanni [6] Carthugiensis ordinis salutem in Domino. Tres libros quos de sui notitia percipiose edidisti, presbyter Benedictus germanus tuus ad me corrigendos suo nomine detulit; eosque pro Inquisitionis dignitate, cujus vices gero, omni cura, studio, ac diligentia perlegi; satisfeci quidem officio, sed voluntati nequaquam. Quid enim in libris tuis corrigendum? cum omne emendatum, fidele, atque modestum invenias? Si philosophiam a me limandam respicis, duas ejus partes, grammaticam scilicet & rhetoricam, quarum a te prima elementa (ut ita dixerim) puer, accepi, perpolititas inveni. Si divinam theologiam nihil aut profectis aut doctoribus & cæteris sacris litteris, ut mihi videor, alienum scripsisti. Quare liber iste Nosce te nihil profert, quod non sanctum, non catholicum, non salutiferum videatur; hic deprimit vitia, virtutes sublimat, & in utraque vita tam activos quam contemplativos ad veram inducit gloriam. Si quispiam hunc legerit nemini detrahet, sed potius mordentem linguam secans iuxta tui codicis sententiam seipsum cognoscet. Vale, mi pater, & quandoque tuis orationibus mei sis memor. Venetiis Kalendis februarii anno salutis M.CCCC.LXXX.

D. GRE-

[1] Nomen &amp; famam viri aliunde non ignoramus.

[2] Extat *Gasmaci* carmen MSS. ad *Antonium Longum* Sancti Eustachii Venetiarum plebanum.

[3] Venetus, e Dominicana familia ad insulas Corcyrenses evectus.

[4] Venetus, e gente patritia, cuius nil præter nomen ad hunc diem remanet; primum Monachus Camaldulensis, subinde Venet. Patriarcha &amp; demum S. R. E. Cardinalis.

[5] De *Gabriele Bruno* viro inter Theologos, sui temporis probe excolto vide *Wading. in Syl-labo Script. Ord. Min.*[6] Si *Carolo Mororio* fides *Ioannes Venetus a Deo* dictus, Prioris munere per hæc tempora fugebatur in Monasterio Carthusianorum Sancti Andree de Litore Venetiarum. *Theatr. Chron. Carhus.* p. 109. Porro *Coronellus* in T. I. Insularii p. 45. testatur Iohannem hoc officium tenuisse ab ann. 1473. ad annum usque 1476. *Trithemius vero de Script. Eccl.* p. 197. *Vir erat* inquit, *in scripturis divinis studiosus & eruditus, ingenio præstans, vita & conversatione devotus & regularis observantia cultor eximius.*